



BASES 5AU CONCORDS “ETH MEN REPOPET”

Se vos agrada era fotografia, ja podetz participar en 5au concors de fotografia “Eth mèn repopet”, ath torn deth leitatge maternau, es jòcs, es minjars, dromir... des vòsti repopets, qu’organizen er Ajuntament de Vielha e Mijaran, er airau de Pediatria der Espitau Val d’Aran e era Bibliotèca Generau de Vielha en motiu deth sòn 20au aniversari.

Entà participar-i, cau que hèsques ua fòto sus eth tèma deth concors e mo l’envies tà biblioteca@vielha-mijaran.org. Eth dia 17 de noveme ei eth darrèr dia entà enviar es vòstes fòtos.

I aurà un **Prumèr, Dusau e Tresau prèmi** de presents sorpresa e lòts de libres

Bases:

1. Condicions entà poder-i participar:

Eth concors ei dubèrt a totes es persones majors de 18 ans.

Peth hèt de participar-i, es autors/es se comprometen a cedir es drets d’imatge des fòtos ar Ajuntament de Vielha e Mijaran entara sua difusion tara exposicion que se poirà veir ena bibliotèca. Es participants tanben accèpten qu’es sues òbres siguen exposades ena Bibliotèca Generau de Vielha e que s’en pogue her ús disparièr. Era participacion en aguest concors implique era acceptacion d’aguestes bases.

2. Tèma:

Eth tèma deth concors qu’ei eth mon deth repopet. Cau qu’era fòto que presentetz sigue originau e inedita, sense filters e non-tractada e non age estat premiada en cap d’aute concors, ne publicada en cap hilat social, e cau qu’indiquetz era **edat actuau** deth repopet. Era edat actuau deth repopet a d’èster entre 0 e 2 ans. Non s’acceptaràn fòtos de repopets qu’agen mès de 2 ans.

3. Caracteristiques:

Podetz presentar sonque 1 fòto per participant/a e 1 per repopet. Es fòtos pòden èster en blanc e nere o en color. Es fòtos an d’auer ua resolucion minimau de 2 MB e maximau de 3 MB, e les cau enviar entath compde de corrèu dera Bibliotèca Generau de Vielha: biblioteca@vielhamijaran.org, damb un títol, eth nòm e cognòms dera mair, deth pair e deth/dera mainatge/mainada e un telefòn de contacte

4. Categories:

I aurà tres prèmis tàs milhors fotografies e, s’era jurada ac considèrè oportun, quauque accessit.

5. Era jurada: Era jurada serà composada peth personau der Ajuntament de Vielha e Mijaran, era Bibliotèca Generau e er airau de Pediatria der Espitau Val d’Aran, e un fotògraf professionau. Era sua decision serà inapellabla e pòt declarar eth concors desèrt. Eth liurament des prèmis se harà eth dia 25 de noveme, ath laguens des actes de celebracion deth 20au Aniversari dera Bibliotèca Generau de Vielha.